

## DOKUMENTA TATIMORE

### Çertifikata e Rezidentit Tatimor dhe Shmangia e Taksimit të Dyfishtë

Tatimpaguesit dhe individët për t'u pajisur me çertifikatë rezidenti tatimor, vërtetim për pagesën e Tatimit të Mbajtur në Burim për të ardhurat që jo-rezidentët kanë përfituar me burim në Republikën e Shqipërisë si dhe për të aplikuar për shmangien e taksimit të dyfishtë kërkesën e tyre me shkrim duhet ta depozitojnë në Drejtorinë e Përgjithshme të Tatimeve, Drejtoria e Marrëdhënieve dhe Koordinimit Ndërinstitucional.

#### I) Çertifikatë Rezidenti Tatimor

Dokumentacioni që kërket për t'u pajisur me çertifikatë rezidenti tatimor për:

##### 1) Tatimpaguesin:

- Kërkesa me shkrim, ku specifikohet viti , shteti dhe arsyeja për të cilën kërket çertifikatë.

##### 2) Individin:

- Kërkesa me shkrim, ku specifikohet viti , shteti dhe arsyeja për të cilën kërket çertifikatë;
- Vërtetim i banesës së përhershme (kopje e aktit të pronësisë së banesës, kopje e kontratës së qerasë ose vërtetim banese nga njësi administrative ku banon);
- Qendra e interesave jetike (interesat personale dhe ekonomike). Personi vetdeklaron në lidhje me interesat e tij jetike dhe i bashkëlidh kërkesës një kopje të dokumentacionit që provon deklarin e tij. Nëse personi është shtetas i huaj, por rezident për qëllime tatimore në Shqipëri, ai deklaron se interesat e tij familjare janë të lidhura me Shqipërinë, pasi familja e tij jeton në Shqipëri dhe ai punon në Shqipëri (ka biznes apo është i punësuar).
- Kohëqëndrimi në Republikën e Shqipërisë (shkresë nga D.P.P.SH, me të dhënat e hyrje-daljeve kufitare nga sistemi TIMS).

#### II) Vërtetim për shmangien e Taksimit të Dyfishtë

Për të aplikuar për shmangien e taksimit të dyfishtë kërket të paraqitet dokumentacioni si mëposhtë:

- Kërkesë me shkrim;
- Formulari i aplikimit të marrëveshjes (original, i nënshkruar nga përfituesi i të ardhurave dhe autoriteti tatimor ku ai është rezident);
- Fotokopje e faturave;
- Kopje e njehsuar me origjinalin në shqip e kontratës ndërmjet dy palëve.

Nuk është e detyrueshme depozitimi i kontratës, nëse ajo është depozituar më parë në Drejtorinë e Përgjithshme të Tatimeve. Në këtë rast tatimpaguesi informon për referencat e shkresës së depozituar në Drejtorinë e Përgjithshme të Tatimeve.

Nëse nuk ka kontratë ndërmjet palëve, tatimpaguesi duhet të informojë në kërkesën e tij rreth fakteve të mëposhtme:

- Lloji i shërbimit të ofruar;
- Kohëzgjatja e këtij shërbimi;
- Mënyra e ofrimit të shërbimit (on line, on site);
- Nëse për ofrimin e shërbimit ka prezencë fizike në territorin e Republikës së Shqipërisë, të përcaktohet saktësisht kjo e fundit;
- Të ndahen pagesat për të drejtat e përdorimit, markat tregtare, licencat etj në furnizimet e përziera (shërbim dhe pagesa për honorare).

#### III) Vërtetim për pagesën e Tatimit të Mbajtur në Burim për të ardhurat që jo-rezidentët kanë përfituar me burim në Republikën e Shqipërisë

Dokumentacioni i kërkuar për t'u pajisur me vërtetim për pagesën e Tatimit të Mbajtur në Burim është:

- Kërkesë me shkrim, ku të specifikohet:
  - Emri dhe Nipt-i i tatimpaguesit që ka mbajtur tatimin në burim;
  - Tatimpaguesi jo-rezident, numri i tij i identifikimit për qëllime tatimore, rezidenca;
  - Vlera e faturave të lëshuara, periudha për të cilën janë lëshuar këto fatura si dhe Tatimi i Mbajtur në Burim.